



Bájkkeavijssa NuorttaSálto

Amás slidjagruvvo Funtan

Tæksta: Børge Strandskog
Járggáibme: Divte Media AS/I dar Kintel



Slidjagruvvo Funtan. Lars Børge Myklevold ja Svein Berg libá goabbák boarrimrájgev gávnnam – gæhtjalimdájmas jagen 1901. **I blygruva i Funta.** Lars Børge Myklevold og Svein Berg har funnet hvert sitt borehull – fra prøvedrifta i 1901. Gávva/Foto: Sander Andersen, NRK Sami Radio

Dássta viedtjin sáme bivdde slijáv liejkkijit luodajt, jáhkedahte moadda tjuohte jagij tjadá. Ja slidjagávnos Divtasvuonan tjiegaduváj láttijs ja oajválattjajs. Dát dálátjij amás oasse suohkana geologalasj histávvrás galggá dal sajev oadtjot girjje-prosjevtan báktesadusáj birra Ofuohtán.



Slidjaguojttem. Funnta 2010 tjavtja. **Skattejakt.** Sander Andersen og Svein Berg. Gávva/Foto: Lars Børge Myklevold, Museum Nord/Tysfjord museum.

Minerála ja geologija moaddásij mielav giddi, ja le aj sierra segmænnta mannoeládusán. Dan diehti le Ofoahtá guovlloráde juollodam 250.000 kr girjje-prosjæktaj. Evenásje, Nárvijska, Bálága ja Divtasvuona suohkana, aktan guovlo vidnudagáj, lij muodugasj lågov vadám. Da Museum Nuorta museajs ma gulluji dán guovlluj li ávdásvástádusáv oadtjum diedojt áttjudit ja girjev tjállet. Museum Nuortta le bálkkim fáhkkaulmutjijt Direktoráhta minerálháldadusás girjev tjálátjijt (ávdep Bergvesenet). Giesen vuolggin gehtjatjit ájnas sajjit. Divtasvuonan li diedon dábdos kvartsa ja feltspatgávnnusa Ájluovtan ja Benasuollun ájnasa, aktan guohpágruvvuojn Stuorgietten. Valla daj maK'emus bievvij mediaássij ávddála lij galla amás ienemusájda Divtasvuonan le gávnos slidjamálmás – geldulasj, ja aj tjierggedis histávvrájn. Museum Nuorta bájkálasj oajvve, Lars Børge Myklevold, subtsas slidjagávnos Divtasvuonan vuostasj bále nammaduvvá major Schnitlera rádjáeksaminasjávnnágirjen 1740-jagijs. - Gá sán Divtasvuonav guossidij lensmánne Schnitlerij vuosedij slidjajuoikkárav riek állo slidjarijn májt lij oadtjum "Oarjje-sámes Svierigis". Dát

sábme ittjij galla sidá subtsastit gánná dáv slidjamálmav lij gávnnam. Dalloj oajvvadij Schnitler Sálto sunndáj tjállet loakkátjijt sámev gávnnusav vuosedittjat, jali náikko tjadá dárbulasj diedojt áttjudit. Jus dákkir tjierggis vájkkudimnævo aneduvvin ep galla diede, javllá Myklevold, guhti subtsas biskoahppa Gunnerus aj nammadij slidjagávnnusav nágin lågevjage maññela.

- Jus oajválattja dalloj diehtin gánná slidjagávnos lij, ep riekta diede. Dádjadahhte le sáme tjiehkkin gávnnusav. Dassta slijáv viedtjin luodajt liejkkijit, ja dan ájgen lidjin vargga dássju sámijn birsso. Jus gávnnusav iktin oajválattja sjaddin dav válldet, ja de ettjin dasti slijáv návka oattjo, javllá dávvervuorkkáovvve Lars Børge Myklevold.

Vásse biebbe lij Myklevold, aktan oahpe-stiddjijn Svein Berg ja NRK'a Sander Andersen, Funtan Divtasvuonan, birrusij 400 mehtera nuore badjel. Vádt-sájin Jággásjdas, Skáhpejávve vásuk ja bálggá milta ájde badjel Funntaj. Jagen 1901 gávnuváj slidja dánna. Subtsastuvvá nuorra sámenæjtto dav gávna, madi nubbe subtsas álmáj Jággásjdas dav gávna. Dalloj gæhtjalin dájmadit